

լով, զժպհելով, զԵղիազար վարդապետս մեր տաճկացեալ է բաջազելով: Իրաւո՛ւնք մեր. զիր առաքեալ եմք և սպասեմք, և թէ ոչ՝ զկնի ապահարդան, ապահարդան: Բայց դու, վասն Քրիստոսի աղաչեմք, հեռի լե՛ր, ի բաց ե՛րթ, զի մի՛ յետինն քան զառաջինն չար լիցի. զի յագեցաք և անկարօտ եմք: Բաւեսցի ներմտածութեան քո: Յունիս ամսոյ ի Գ գրեցաւ:

Ուրբաթ օր (6 Յուլիս) Վարդապետն ի Ղալաթա գնաց:

Եւ Շաբաթիս օր (7 Յուլիս) գնացաք ի սէյիր տօնանմին եւ եկն զատըրղա զափուտանին Քէնան փաշան տաւուրով եւ զուրնայով, եւ ինքն կանգնեալ ի խելս նաւին և բարե տայր առ մեզ և անց, և որչափ նաւ կայր զկնի նորա՝ ամենեքեան քաշեցան ձիւկտոր, եւ գնացեալ եհաս ի դէմ պալատի թագաւորին եւ արգիլեցան<sup>1)</sup> նաւքն եւ ինքն եմուտ մօտ ի թագաւորն հանդերձ չորպաճովքն եւ ի ժամ անդ արգիլեալ եւ ապա ել ի թագաւորէն եւ նստաւ ի նաւն եւ սկսան ամենեքեան զթօփքն արձակել ի նշան երթալուն. եւ գնացին ի Պէշիքտաշն, եւ կէս աւուրս ելեալ գնացին անտի:

Օրս Մղտեսի Սարգիսն Երուսաղէմացի և Եաղուպ թէրճիմանն գնացին ի Պուրսայ և թուղթ գրեց Վարդապետն առ Կիրակոս վարդապետն թէ ՚ի հասանել թղթիս ի քեզ՝ փոյթ ընդ փոյթ գաս. նոյնպէս և առ Իգնատիոս վարդապետն ի Կաֆա և առ Սարգիս վարդապետն ի յԱրզրում թէ Փոյթ ընդ փոյթ ի հասանել թղթիս ի ձեզ՝ եկեալ հասէք առ մեզ: Եւ զի լու եղև թէ Մուղնեցի Յովանէսն ելեալ եւ գայ առ Աստուածատուր վարդապետն իբր թէ հնազանդելով նմա,

1) արգիլեցաւ.